



BOSNIA AND HERZEGOVINA
Ministry of Foreign Trade and Economic Relations
Veterinary Office of Bosnia and Herzegovina

Broj: 06-1-27-18-196-5/16

Datum: 13.04.2016

SVIM VETERINARSKIM ORGANIZACIJAMA u BiH
SVIM VETERINASKIM INSPEKCIJAMA u BiH

Predmet: Informacije u vezi označavanja i kontrole kretanja životinja, dostavljaju se-

Poštovani,

Želimo da vas obavijestimo i uputimo u nekoliko novina u vezi poslova označavanja i kontrole kretanja goveda u BiH koje su provedene u posljednje vrijeme, a u cilju unapređenja i efikasnijeg funkcionisanja cjelokupnog sistema identifikacije i praćenja kretanja goveda, ažuriranja baze podataka, priprema za vršenje popisa goveda i sprečavanja mogućih malverzacija sa stočnim pasošima:

1 DOPUNA PRAVILNIKA O OZNAČAVANJU I KONTROLI KRETANJA ŽIVOTINJA U BIH

Savjet ministara Bosne i Hercegovine na sjednici održanoj dana 16.12.2015. godine usvojio je dopunu Pravilnika o označavanju i kontroli kretanja životinja u Bosni i Hercegovini. Dopuna se odnosi na član 19. stav (2) ovog Pravilnika, te on sada glasi:

(2) Ako posjednik životinja kod kojih su utvrđene neusklađenosti iz stava (1) ovog člana ne dokaže njihovu identifikaciju i porijeklo u roku od dva radna dana, službeni veterinar može, gdje je to moguće, na temelju procjene rizika zdravlja životinja i sigurnosti hrane da naredi njihovo uništavanje i neškodljivo uklanjanje, bez prava na nadoknadu štete za ubijene životinje od strane nadležnih organa. U posebnim slučajevima, a na osnovu procjene rizika, veterinarski inspektor može narediti označavanje goveda neutvrđenog porijekla, samo jedan put na jednom imanju i označavanje do jedne neoznačene životinje nepoznatog porijekla, uz istovremeno naređivanje provjere zdravstvenog stanja svih prijemčivih životinja na imanju na osnovu programa mjera suzbijanja zaraznih bolesti domaćih životinja na teret posjednika ili čuvara. „

Navedena dopuna stupila je na snagu sa danom usvajanja i objavljena je u „Službenom glasniku BiH, broj: 02/16“.

Naime, u dosadašnjoj implementaciji ovog Pravilnika pokazalo se da se postupak uvođenja u sistem životinja nepoznatog porijekla zloupotrebljavao, te se ponavljao više puta kod jednog istog vlasnika životinja. Kako bi se onemogućilo nekontrolisano uvođenje životinja bez porijekla u sistem i spriječile dalje moguće zloupotrebe i malverzacije izvršena je dopuna Pravilnika o označavanju i kontroli kretanja životinja u Bosni i Hercegovini u dijelu koji se odnosi na registraciju životinja nepoznatog porijekla kako je gore navedeno.

2 PRAVILO DA MAJKA MORA BITI NA IMANJU PRILIKOM REGISTRACIJE TELETA

Od januara 2016 godine prilikom registracije novorođenih životinja uvedeno je novo pravilo u informacionom sistemu za označavanje životinja koje zahtjeva da se majka telea mora nalaziti na imanju prilikom registracije novorođene životinje. U praksi se sreće problem da se zahtjeva izrada pasoša za tele čija majka je bila predmet kupoprodaje i koja se ne nalazi na imanju trenutnog vlasnika, odnosno na imanju na kojem je otelila novu životinju. U ovakvim slučajevima potrebno je istovremeno poslati, pored ispravno

popunjenog A1 obrasca za novorođenu životinju, i obrazac C- obrazac za kretanje kojim će se majka teleta dovesti na dotično imanje u regionalnu kancelariju za unos podataka- KUP. Nakon registrovanja kretanja majke na tačno imanje moguće je izraditi pasoš za novorođenu životinju. U protivnom A1 obrazac će biti vraćen iz KUP-a.


3 MOGUĆNOST KORIŠTENJA DVA TIP A C OBRAZACA

Želimo da vas obavijestimo da se u Bosni i Hercegovini trenutno koriste dva tipa C obrazaca za kretanje životinja:

1. Stari C obrasci, koji su još uvijek važeći i koji se mogu koristiti do isteka zaliha, na kojima se vrši popunjavanje imanja polaska i imanja dolaska goveda i tako prijavljuje kretanje prosljeđivanjem C obrasca regionalnoj kancelariji za unos podataka i
2. Novi C obrasci, koji moraju da se popunjavaju prilikom svakog kretanja životinje, odnosno svakog polaska i svakog dolaska na imanje. Dakle, u ovome slučaju kod novog C obrasca nije moguće samo izvršiti ovjeru C obrasca i potvrditi dolazak na imanje, kao što je to prije bio slučaj, već je potrebno decidno navesti koje su to životinje bile u kretanju i koje su došle na imanje. I ovaj dokument se šalje u kancelariju za unos podataka na dalje postupanje.

Takođe, želimo da vas obavijestimo o skorom početku obuka za pristup izvještajima o brojnom stanju životinja na imanju, kao i o podacima za svaku životinju posebno, o čemu ćemo vas blagovremeno obavijestiti i direktno kontaktirati.

S poštovanjem,



Dostaviti:
1x Naslovu
1x Arhiva